

**DISPUTATIO
INAUGURALIS, DE
AMORTIZATIONE
BONORUM, QUAM
SACROSANCTA...**

Zacharias : von Lindenhoven
Prüschenk, Andreas Ramdohr, ...



AMORETTI
IN THREE VOLUMES

240

[illegible]

TABLE CORRELATING
1900-1901

Quod felix, faustum, fortunatumq; sit!

INTRODUCTIO.

Multis modis in jure deprehendimus, rerum acquisitionem & possessionem impediri, & quidem, vel ratione objecti, si liber homo, aut res sacra, quæ in commercium deduci non potest, in aliquem translata fuerit; vel ratione malæ fidei, utcumque titulus reverâ intercesserit, veluti, si sciens rem à non domino emeris; vel ratione nullitatis contractus; vel etiam ratione absentia omnis tituli, veluti, si quis per vim, aut clam occupaverit, vel deniq; ratione subjecti incapacis, veluti, si quis jure speciali prohibeatur, vel quærere vel possidere, ut damnati in metallum. *l. si in metallum. 3. ff. de his, quæ pro non script. hab.* Itē & homines, quos dicimus manus emortuæ, tenentur rerum possessiones à se emancipare, possessione ve decedere, nisi ex gratiâ & dispensatione Principis, h. e. *Amortizationis* jure possideant. Hanc difficilem, & adhuc usq; indiscussam AMORTIZATIONIS materiam, quantum hinc inde ex Interpretibus juris de ea licuit colligere, certis positionibus circumscribere, circumscriptam, loco Dissertationis Inauguralis, publicæ Eruditorum censuræ subicere, haut præter rem fore, existimavi. Quemadmodum autem Sacratissimus Imperator *Justinianus* ad omnes actus in nomine Domini nostri Jesu Christi, o-

omniaq; consilia semper progredi consuevit *l. 2. C. de off. pref. prat.* Ita & ego hunc laborem manibus ad cœlum erectis aggredior, cumq; in nomine Sacrosanctæ & Individuæ Trinitatis feliciter exordior.

POSITIO I.

Etymologia.



AMortizationis nomen latinum non est, sed deductum videtur ex peregrino Idiomate, & Gallica voce *Amortir*; quod significat, Extinguere. Quædammodum enim ista caro, quam chirurgus, ut noxiam, à corpore ægti resecat, extinguitur, & vitâ privatur: eodem modo bona, quæ per Principem amortizantur, extincta censentur, ita, ut communi hominum commercio exempta, in alium postmodum transferri nequeant. Et sicuti lis, quæ in disceptatione Judiciali desit, mortua. *l. cum lite. 2. ff. jud. solv.* monachus, qui à communi hominum consuetudine exclusus est, mortuus dicitur. *l. fin. C. de Episcop. & cler. Novell. 22. c. 5. in fin.* Ita res, quæ ex dispensatione & indulgentia principis in manum mortuam transfertur, & ita amplius de una in aliam viventium manum non transit, mortua appellatur, cujusmodi sunt bona, quæ dicuntur Amortizata. Inde *Amortizatio.*

II. Quid autem per manum mortuam intelligatur, non adeò videtur esse obvium. Variis modis eam sumi, testis est *Bartholom. Chassaneus ad Consuetud. Ducat Burg. rubr. des mains mortes in pr.* Verùm *Carolus Molineus in comm. ad Consuetud. Paris. tit. 1. de Fiefs. §. 51. gloss. 2. n. 55. & Nicol. Boerius ad Decis. Burdegal. decis. 263. n. 10.* dupliciter potissimum illam accipi notant. 1. Pro persona conditionatæ servitutis. Quales adhuc, veteri tamen & misera Jurisgentium servitute explosâ, reperiri, asserit idem *Molin d. tit. §. 3. gl. 3. n. 2. & 3.* & esse, qui non possint alienare bona ejus conditionis, nec de illis testari sine consensu domini, qui eis sine sociis vel liberis ejusdem conditionis descendantibus succedat. Hi vocantur *Homines mang mortue*, *Gallis gens où serfs de main morte*, eorumq; facie.

facit mentionem *Cynus in l. voluntarie. fin. C. de Excusat. tut.*
Differunt ab ascriptitiis, quod illis à gleba discedere, bonis,
quæ tenent à Domino, renuntiare, liberè deinde sibi acqui-
rere, & plenæ perfectæq; libertatis jure potiri liceat, ascrip-
tium non item. *Molin. d. l.* Et hæc acceptio non est huius loci.
2. Pro corpore bonorum capace, sive Ecclesiastico, sive secula-
ri, quod de se non moriatur, nec mutetur. Ut sunt, Ecclesiæ,
Capitula, Civitates, collegia, Communitates, Monasteria, Ho-
spitalia, Fratræ, Xenodochia, quæ dicuntur manus mortuæ,
eo, quod nunquam deficere creduntur, sive per mortem,
alienationem, divisionem, donationem, heredis institutio-
nem, substitutionem, legatum, permutationem, sive per aliam
quancumq; mutationem; sed iidem semper possessores intel-
liguntur, citra mutationem apparentem. *Job. Papon. in Decis.*
lib. 1. tit. 14. Et sicut semel mortuus denuò non moritur, ita
corpus ejusmodi, etiamsi omnes personæ, ex quibus consistit,
rebus humanis eximantur & mutentur, immutatum per-
manet, adeòq; per subrogationē personarum eundem semper
statum obtinet. *l. sicut. 7. §. 2. ff. Quod' cuiusq; Universit. c. quo-*
nam Abbas. de offic. & potest. Jud. deleg. 1. annua 20. §. 1. de ann.
legat. Textus in hanc rem elegans est in *l. proponebatur. 76. ff.*
de Jud. Ubi sedes judicialis, quamvis moriatur iudex, & alius
in defuncti locum substituatur, idem habet iudicium: Idque
Alfenus Ctus verum esse, ait, in cæteris rebus, ut 1. in *Legione*,
quæ, licet ex ea multi decesserint, modò alii in eorum locum
subjiciantur, eadem permanet. 2. In *populo*, Is idem videtur
hodie, qui ante centum fuit annos, & proconsulatus est unus,
licet plures succedant proconsules. *l. 10. pr. ff. de officio Procons.*
Cui convenit, quod in Jure Canonico sedes Apostolica non
mori dicitur *c. signatiosè. extra de Rescript. in 6.* Quà de re etiam
elegantè disputat *Aristoteles lib. 3. Polit. c. 2.* Ubi ostendit ma-
nere τῆς αὐτῆς πόλις, i. e. eandem civitatem, licet cives, aliis
morieantib; & aliis nascentibus, mutentur: idq; exemplo flu-
minum insigniter probat, quæ dicere soleam; eadem, & fon-
tes eisdem, καί τινες αὖ τῶ μὲν ἐπιγιννομένην ὀνόματι, τῶ δ'
ἐπιζῶντι. h. e. aqua licet semper alia affluente, alia defluen-

te. 3. In *Navi*. Quæ sæpè mutatis tabulis est refecta, & eadem nihilominus permansit, quod etiam tradit Pomponius in l. 24. §. fin. de legat. 1. Ulpianus in l. 10. §. 7. quibus mod. ususfr. Paulus in l. 83. §. 5. de l. O. & l. 98. §. fin. ff. de solut. Et talis erat *Navis*, quæ *Theseus* (qui post mortem *Ægei* patris decimus Atheniensium Rex fuit tempore Colæ Sexti Hebræorum Iudicis) ad Cretam navigavit, & Athenis, quò postmodum reversus est, in rei memoriam ab Atheniensibus ad usq; *Demetrii Phalerai* Clarissimi Philosophi & Athenarum moderato-
ris tempora conservata fuit, novis & validis subindè tabulis in earum locum, quæ computruissent, subrogatis & coapta-
tis; ut ex *Plutarcho Cheronzo* habetur in vita *Thesei*, *Lapo Florentino* Interpret. De qua navi vide elegantem & eruditum tractatum *Lazari Bayssii de renavali*, quem edidit super l. 2. ff. de Captiv. & Postlim. revers. Circa navem; verò absurdum *Alfenus* desumit à corpore humano, ex quo secundum Philoso-
phos minimæ particulæ humidi radicalis & caloris nativi quotidie decedunt, alizq; in earum locum succedunt *Aristoteles lib. de longie. & brevit. vitæ. c. 2. lib. de Vita. c. 2. Scalig. Exercit. 23. & Exercit. 275.* Absurdum autem foret, si singulis diebus alius & alius homo existeret, aut ex sententiâ *Seneca lib. 8. Ep. 59.* non esset manè, qui pridie; nam & juvenis idem est, qui in-
fans, attestante *Celfo in l. 67. §. 2. de furs. & Paulo in l. 13. ff. de Condit. furs. Francisc. Horom. Illustr. quest. 8.* Eodem igitur modo se habet tale corpus, ut Ecclesia, Universitas, collegiû &c. quod, cùm non moriatur, personis licet mutatis, non mute-
tur, sed omnis expers sit vicissitudinis, vocatur *Manus mortua*: Quanquam *Matth. de Afflict. ad c. de Prohibit. feud. alien. per Feder. pag. mibi 679.* notat, *Lucam de Penna ad l. si qui. §. C. de divers. prad.* existimare, si feudum ad Ecclesiam perveniat, ve-
rius & proprius à fiscalibus regni dici, quòd feudum perve-
niat ad manus perpetuas, non mortuas, eò, quòd, ut nec impe-
rium, quod semper est. *Novell. 6. in fin. §. licentiam.* ita nec Eccle-
sia moriatur, adeoq; incongruè Ecclesiam vocari manum mortuam, nisi secundum hoc, quòd pugnare non possit, sed pugnet per substitutum. Et *Petrus Peckius in tr. de Amortizat.*

in fin. statuit, idèd tale corp⁹ manum mortuam dici, quòd,
quemadmodum morientis hominis manus id, quod compre-
hendat, firmissimè conclusum teneat, nec facilè remittat: sic
etiam, quicquid Ecclesia seu corpus ejusmodi semel acqui-
rat, & in manum h.e. potestatem suam accipiat, non nisi ma-
gno cum difficultate & solemnitate in commune hominum
commercium post deinde remittat, sed accumulando conser-
vetur. *de reb⁹ Eccl. alien. vel non.* Attamen prior expositio, quā
quoq; tenet *Petrus Gregor. Tholosan. in Syntagm. Jur. Univers.*
lib. 6. c. 5. n. 7. & l. 15. c. 37. n. 4. 5. 6. l. 20. c. 11. n. 4. 5. quæq; hu-
jus loci est, cōvenientior videtur, videlicet manum mortuam
denotare corpus, & ita dici idèd, quòd nunquam propter sur-
rogationem personarum moriatur, indeq; bona temporalia
in eam transferri non posse, nisi impetratâ Principis gratiâ &
dispensatione.

III. Et illa non duntaxat vocatur Amortizatio *Petro Synony-*
Pekio d. tract. de Amort. Johan. Papon. in decis. lib. 1. d. tit. 14. mia.
Egid. Magist. tr. des. Amortissements. c. 1. Verum etiam Amor-
tizamentum *Petr. Gregor. Tholosan. l. 6. c. 3. n. 2. & c. 5. n. 5. & 6.*
Morticinium sive jus Morticinii; item Extinctio, quod cum
vocis etymologiâ congruit, *Tholosan. lib. 3. c. 5. n. 2. in fin. Pe-*
trus a. Jacobi in praxi sua tit. de causis, ex quibus vassall. de-
bitur feud. cap. de acquis. ab Eccles. §. Item acquirit legitimè,
verbum hoc Amortizationis velut turpe repudiat, & jus hoc
Adjuvationem potiùs nominandum arbitratur, quasi sc. Eccle-
sia per id juvetur; quem tamen, cùm nomen hoc nimis vagum
sit & generale, non sequimur. Gallis vocatur *Parascapht.*
Affranchissement. Amortissement. Tholosan. lib. 3. c. 5. n. 2. l. 20.
c. 11. n. 4. Egid. Magistri d. tr.

IV. Ortam Amortizatio potissimùm in Gallia, ut ipsū *Origa.*
vocabulum argumento est, sicut & in Italia, & Hispania tra-
xisse videtur; eaq; occursum fuit Principum legibus & consti-
tutionibus, quæ Ecclesiis rerum immobilium acquisitionem
& possessionem interdixere. Quamvis enim jure legis Mo-
saicæ Levi stirps non potuerit habere partem aut possessionē
cum fratribus. *Deut. 12.* Ubi dicitur, *divisionem inter Levi & ejus*
fratres

fratres factâ, cuiq; familia possessiones, certaq; loca assignata fuisse; at familia Levi, quæ ceremoniis & officio Divino destinata erat, pro sorte & possessione ipsius, Dominum Deum adjudicatum fuisse: Et inde Ecclesiastici in primitiva Ecclesia nulla bona nec occupaverint, nec possederint, sed si quæ oblata sive mobilia, sive immobilia, & ad pedes Apostolorum projecta, confestim ad nutriendos & fovendos egentes ea reddiderint, juxta c. *fururam Ecclesiam. 12. q. 1. & c. videntes, ead. caus. & quæst.* Attamen procedente tempore per usurpationem Ecclesia possessiones nacta est, & magnis bonis temporalibus, veluti redditibus, feudis, castris, terris, & dominicis juribus adversus instituta primitivæ Ecclesiæ locupletata fuit, eamq; primus *Constantinus Magnus* Imperator tot opibus amplificavit, tot muneribus auxit, tot facultatibus donavit, ut cum Ecclesiastici venditione, pretiiq; in pauperes divisione ea omnia à se abdicare deberent, contrâ ita obstinatè sibi vindicârunt, ut ea sibi propria fecerint, & pleriq; in omne genus luxus, exclusis pauperibus, thesauros Ecclesiæ profuderint. Cum verò hæc ratione cæteri status (quos juxta Philosophum *l. 5. polis. cap. 3.* æquè conservari ac crescere decet, ut commensurationis harmonia maneat) ad pauperiem reducerentur, fieretq; , ut propter immunitatem perpetuam, quam ab omnibus ferè exacti-
onibus & indictionibus, rebus Reip. causa imponendis, habebant Ecclesiæ, collegia & similes personæ. c. *cum adversus. 7. de Immunit. Ecclesiar. l. placet. 5. C. de SS. Eccles.* Resp. detrimentum maximum pateretur; enervatis redditibus per illam retentionem, quando neq; laudemia à dominis directis eorum bonorum, neq; renovationes feudorum ampliùs pendebantur: latæ fuere leges & constitutiones, à jure communi dissidentes, ne ulterius bona immobilia in Ecclesias transferrentur: cujusmodi non duntaxat in Hispania receptas fuisse, testatur *Pertus Belluga Hispanus in speculo Princip. Rubr. 14.* verùm etiam jam inde à multis seculis in Italia, & locis Romano Imperio subditis floruisse, *D. Hieronymus* evidenter ostendit in *Epistola. 2.* quam ad *Nepotianum* de vita Clericorum ac Sacerdotum scripsit, inquiens; *Pudet dicere sacerdotes Idolorû, mimi*

aurige & scorta hereditates capiunt, solis clericis & monachis hoc lege prohibetur, non à persecutoribus, sed à Principibus Christianis. Nec de lege conqueror, sed doleo, cur meruerimus hanc legem. Quod etiam D. Ambrosius lib. 5. Epist. 31. quam scripsit ad Valentinum Imperatorem, dilucidè tradit, & privatæ successioneis emolumenta Sacerdotibus, legibus recentibus, rectè denegari, ostendit. Non enim, inquit, putamus injuriam, quoniam dispendium non dolemus. Et post subnectit hæc verba: Solæ sublata sunt prædia, quia non religiosè utebantur eis, quæ religioni jure defenderent. Huc quoq; respexit Faber in l. quoties. in fin. C. de R. V. & Masuer. in sua Pract. forens. de locat. & Conduct. n. 20. & 21 Pontan. in Histor. Amstelod. fol. 28.

V. Et maximè harum ll, meminit Bodinus, qui lib. 5. de Rep. c. 2. fol. 530. plura enumerat statuta, quæ modò prædia, resq; immobiles Ecclesiasticis Collegiis denegaverint, modò Ecclesiam bona jam quæsitæ intra annum à se abdicare, & in personam capacem, quæ servire posset, & de veria facere, transferre jusserint. Idq; ait, factum, propter incrementum quotidie crescentium bonorum Ecclesiasticorum, quæ semel quæsitæ, nec distrahere, nec diuturnâ locatione concedere licuerit. fol. 531. Ubi addit, in Galliis rationum publicarum prætorem Alemannum sibi omnia curiosius conquirenti narrasse, duos ferè trientes agri Gallici ad sacrû ordinem possessione, vel dominio pertinere, neq; id mirum esse, quia quatuor supra centum Episcopi, duodecim Archiepiscopi, quingenti & quadraginta octo Abbates Curionû 27400. numerentur, si modò singulis urbib. & pagis singuli Curiones tribuâtur; extra minores Archimandritas, & cœnobîa tenuium monachorum viatim mementicantur. Vide Dn. Indenspuer in comment. ad ordin. Wurtemb. f. 82. In Belgio quoq; per Burgundos Principes latas fuisse ejusmodi leges, testatur Peckius d. l. quas Imperator Carolus V. amplificavit, & confirmavit, atq; expressam Constitutionem anno 1520. die 29. Octobr. edidit, quâ bonorum immobilium acquisitionem & possessionem manibus mortuis interdixit, ne principes seculares, si prædia essent feudalia, quintarum, subquintarum, redemptionû, recognitionum, si

consualia, laudemiorum, semilaudemiorum, venditionum
saisi varum, & aliarum obventionum jura amitterent, quod
omninò cōtingeret, si ejusmodi prædia ab hominibus manus
mortuæ possiderentur; quoniam id genus personis interdicta
est omnis veditio & alienatio, nec confiscationi occasione
præbere, nec mori possunt, sed etiã post mille annos, aliudve
tempus eadem personæ, iidemq; possessores censentur, &
semper à suis successoribus representantur, quod non accidit
in particulari possessore, è cujus manu res multis exit modis,
venditione, donatione, legato &c. De horum quoq; statu-
torum validitate, & quousq; se extendant, eleganter agit
Paulus Christinaus in Decisionibus Curia Belgica Vol. 1. decis. 201.
Atq; Polidorus Virgilius lih. 17. Histor. scribit, circiter annum
1294. in Anglia sub Bonifacio VIII. Concilium Londini cele-
bratum contra Judæos; in quo statutum sit, nemini homi-
nū ampliù licere, prædia dare Collegiis & sodalitiis monacho-
rum, nec Sacerdotibq; aut monachis emere possessiones ali-
quas, nisi permissu regis. Et aliquāto post addit; Episcopos ca-
pto inter se consilio postulasse, ut legem ad manum mortuā,
cū eam ordini suo valde nocere perspicerent, antiquarent.
Id ipsum quoq; dietim in regno Galliaë praticari, refert Guil-
belm. Benedicti ad c. Raynutius. decis. 5. ad verb. Et uxorem n. 7.
ita, ut in literis quibusdam regiis, tam in possessorio, quàm in
petitorio judicio super rebus immobilibus acquisitis, Eccle-
siæ pcessis, semper penè in fine hæc annectatur clausula. Pro-
visò, quod habitā possessione pacificā, teneatur Ecclesia vel mona-
sterium talia bona extra manum suam ponere infra annum &
diem, & illa transferre in manum seu personam capacem, quæ ser-
uire possit & de veria facere, aut consensum Regis, hoc est, Amorti-
zationem obtinere; quæ harum legum & Constitutionum est
veluti solutio & laxamentum.

VI. Ea à Dd. variè definiri solet. *Petrus Belluga in d.*
Definitio speculo princip. rubr. 14. Amortizationem appellat translatio-
nem jussu Principis in manum mortuam factam: Paulò aliter
eam describit *Benedictus Curtius De Arrestis Amorum Arr. 7*
fol. 62.

fol. 62. Est n. *inquit*, Amortizatio remissio juris, introducta, ne nobiles, vasalli & ceteri ob hujusmodi alienationes pauperiores facti, servitia & debita min⁹ idonee Principi impēdāt & solvant &c. *Carolus Molin.* duas affert descriptiones *in com. ad consuet. Paris. d. tit. 1. de fiefs. §. 51. gl. 2. n. 68.* Quarū posterior: Amortizatio est renunciatio, seu privatio juris cogendi *eam* ad transferendā in idoneam manū, Prior: verò *Amortizatio est licentia retinendi bona immobilia per manum mortuam.* Hanc, cū rem optimē describere videatur, reliquis meritō antefereendam existimo. Rectē autem, generis loco, ponitur Licentia, id est, permissio: ostēsum enim, propter leges latas, & constitutiones manibus mortuis rerum possessiones, cū nunquam eas, propter eundem, quem ex surrogatione personarum retinent statum. *l. 76. de Jud.* in commune hominum commercium dimittant, adeoq; dominos, quorum interest, juri- bus dominicalibus privēt; nō licuisse acquirere, sed cogi, p̄tēdia acquisita in manum vivam h. e. personam, quæ infinitis mutationibus & alterationibus sit obnoxia. *l. senatus. §. mortis causa. vers. siquidem. ff. de mort. causa donat. & jura* pro consuetudine loci persolvere possit, transferre. Inde, ut hoc omne evitarent, licentia possidendi prius erat impetranda, & postulanda amortizationis iis omninō incumberebat necessitas: Quæ tamen annon libertati Ecclesiasticæ deroget, disquirere solent? Et quanquam *Petrus Jacobi in sua praxi tit. Ex quibus causis Vasall feud amitt.* admodū confidenter eos, qui ejusmodi Cōstitutiones, rerum immobilium acquisitionem avertentes edant, excommunicationi, aliisq; pœnis subji-ciendos, & ad reparationem damni illati obligari, aditruit; alii verò, ut *Johannes Bressianus, ad consuetud. Avernie c. 21. §. 14. in pr.* mitiūs & moderatius locuti, non multum sibi eas placere, asserunt: attamen negativam in opinionem ingentem Interpretum numerum conspirare, testis est *Peckius d. tr. c. 6.* quam & ipse sequitur, non quòd illorum rationes approbet, ut qui sciat, sententiarum pondere & veritate, non opinantium numero in rebus controversis dijudicandis, utendum esse, sed, quòd alia ratio necessitatis postulandi amortizationem, subsuerit,

puta (1.) quòd Constitutio ejusmodi ab ipsa Ecclesia, & Ecclesiasticis Proceribus probata: & admitta sit, rogantèq; eam. Principe, à tot annis propalam & publicè in usù recepta; & licet in aliquibus locis ab initio contradictionem aliquam, passa fuerit; ab ea tamen postea. totus clerus recesserit, & tam longa annorum serie amortizationem bonorum acquisitorum petierit; attestante hoc etiam *Petro Belluga d. cap. n. 37.* (2.) quòd ordo clericus rationem facultatum acquisitarum, nò modeste, sanctèq; servaverit, sed in omne genus luxus, exclusis pauperibus, thesauros Ecclesiæ profuderit, & ita opibus malè fuerit usus. Nec etià Synodus Tridentina, quam dissentientes urgent *sess. 25. cap. 3.* pugnat; neq; legem amortizationis, seu prohibitionem acquirendarum rerum immobilium, damnat *Peckius d. l. sub fin. c. 6.* Et hanc sententiam *Dominos supermi Concilii* approbasse, ac postmodù anno 1520. performam edicti perpetui ejusmodi inhibitiones confirmasse & auxisse, refert *Paul. Christianus dict. Decis. Belg. 201. n. 6;* & hanc in rem allegat *Franciscum Zypaum* *3 Cium. Canonicum & officialem Antuerpiensem in Jure Pontificio l. 2. n. 17.* Novissimè in definitione dictum; *retinendi bona immobilia*, de quibus in explicatione objecti, seu materiæ Amortizationis agemus. Quid verò per *manum mortuam* intelligatur, supra satis fuit ostensum.

Divisio.

VII. Amortizatio potest constitui duplex, *Generalis & Specialis.* Hac singula prædia & possessiones, quarum à Principe petitur amortizatio, minutatim & singulatim exprimit. *Ista* nullam facit specialem rerum amortizarum designationem, sed venit sub generali appellatione eorum omnium, quæ ex bonis temporalibus manus mortuæ possidet. Sive autem amortizatio cōcedatur in genere, sive de certis prædiis in specie, semper exprimitur, vel tacitè subintelligitur consuetilla formula; *Salvo jure nostro in ceteris.* *Molin. n. 97.* De generali fuit controversum, an valeret? Quod multi propter *l. cum Aquiliana: s. ff. de transact.* sunt inficiati, cum liberationes generales censentur captatoris & fraudulentæ. Faut *l. 3: §. contrarium. ff. de contr. tut. & util. act.* Quam dicunt optimè ad rem pertinere, ut asserit *Jafon. in d. l. cum Aquiliana* referens

referens *Oldradum; Albericum; Bald. & Bart.* Obtinuit tamen, ut generales Amortizationes valerent, quales non duntaxat Regem *Franciscum Primum* complurimas Normanniæ, Piccardiæ, Burgundiæ, aliisque regni sui locis concessisse, sed etiam in Parlamento admittas, verificatas & approbatas fuisse, testatur *Joban. Papon. Arr. i. d. tit. 14.* Talis quoque extat amortizatio generalis omnium temporalium ab Ecclesia *S. Petri Doratici*; apud *Lemovicenses* possessorum conscripta *lib. 3. constit. Ludov. 12. fol. 50.* & alia pro Ecclesia *du Pui nostre Dame* apud *Andegaveses* *fol. 168. eod. lib.* ut notat *Ægid. Magistri. Eques, & in suprema Parisiensi Curia Primus praesent. des Amortiss. c. 9. n. 2.* ibidemque consimiles plures amortizationum generalium refert species.

VIII. Visâ definitione & divisione, sequitur subje- *Subjectum*
ctum, quod dupliciter considerari potest. *Activè & passivè. Activum.*
Subjectum Amortizationis Activum est summus Princeps; ipse solus jus hoc mortuicini dare potest, & concedere hominibus manus mortuæ facultatem immobilia retinendi, & in perpetuum possidendi. Licet enim in regno Gallia receptum, & diu toleratum fuerit, ut Pares Francia, Duces, Marchiones, Comites, Vicecomites, Barones, aliiq; Domini, regē recognoscere, circa suas Jurisdictiones amortizarent, & per aliquot tempus hoc jure usi, nemine palam contradicente, in hujusmodi manus mortuas consentirent; attamen postea, veritate rerum perspectâ atq; cognitâ, definitum & constitutum est, ipsis hoc non licere, sed jus amortizandi, & indulgentiam præbendi hominibus manus mortuæ possidendi res immobiles, ad solum regem spectare; cujus ratio hæc est, quod solus Rex in suo regno omnium temporalium sit supremus, solusq; possit incapaces possidendorum immobilium capaces reddere; ipse omnium fons est, scaturrgio & Dominus, & ut *Baldus* notat *ad §. ad hoc. de allod. col. 3. vers. ex præmissis.* à supremo principe, cujusmodi est Rex in suo regno, fluunt, & vicissim ad eum recurrunt omnia, haut aliter, atq; per naturales meatus & cuniculos terræ aqua è mari fluunt, & in id relabuntur. Et ita judicatum fuit Arresto Consistorii inter cætera.

Arresta Festi Trium Regum Anno 1277. & pronunciati, quod
Capitulum Cathalanense acquisita prædia in fundo Episcopi
Cathalanensis tenere nequeat sine voluntate Domini Regis.
Egid. Magistr. des amortiss. c. 1. pr. Johan. Papon. d. tit. 14. Arrest.
1. Singulari tamē privilegio, & prærogativā speciali in Gallia,
Archiepiscopo Rhemenſi, Episcopo Cathalaunenſi ſive Cam-
paniæ, Episcopo Noviodunenſi, Lingonenſi competit, & da-
tum eſt, ut ſub feuda ſua, non alia, quæ à Rege immediatè mo-
ventur, amortizare poſſint. Reliqui, qui pares Franciæ non
ſunt, nihil amortizant, ſive id mediatè ſive immediatè ab i-
pſis moveatur. Et ita judicatum fuit Arreſto, quod datum in
Parlamento, in Regis præſentia, inter Arreſta cætera *Festi
Trium Regum Anno 1277.* Super Amortizatione factā ab Archi-
Episcopo Rhemenſi: Item altero arreſto præcedente Anno
1270. *Vid. Papon. d. Arr. 3.* Refert etiam illam conſtit. *Egid. Ma-
giſtr. d. tr. c. 2.* adde *Tboloſan. l. 6. c. 5. n. 6.* Ita verò ſolus ſu-
premus princeps poteſt amortizare, quando alterius non in-
tereſt; ſi enim inferior Dominus exinde aliquod præjudicium
ſentire poterit, non illius tantum, ſed & huius conſenſum,
adeſſe oportet: privilegium enim principis intelligitur con-
ceſſum citra præjudicium tertii. *l. 2. §. ſi merito. 10. Et §. ſi quis à
Principe. 16. ff. ne quid in loc. pub.* Et ſicut conſenſum in aliena-
tione rei feudalſ non tantum ſuperioris, ſed & inferioris ne-
ceſſarium eſſe, adſtruunt. *Matth. de Afflic. Et Andr. de Iſern. ad
c. Imperialem.* ita princeps iis, qui intereſſe privatum habent,
nō vocatis, non præjudicare, nec per amortizationem eorum
juri derogare poteſt. *Bald. in Auth. omnes peregrini. C. commun.
de ſucceſſ.* Et ita in univerſum longi temporis obſervatione,
receptum eſt, earum civitatum magiſtratus conſenſum etiam
neceſſariò poſtulari, in quibus ædificia aut agri ad uſum Ec-
cleſiarum, cœnobiorum ſeu collegiorū à principe amortizā-
tur: Nec invenitur, quod in Gallia à Rege emanaverit ulla
amortizatio ſive generalis, ſive ſpecialis in præjudicium ter-
tii inferioris non vocati, nec conſentientis. *Carol. Molin. d.
l. n. 97. fol. m. 659. Barth. Chaffanaus ad Conſuet. Ducat Burgund.
ſis. de majns mortes rubr. l' homme de main morſe. 9. §. 10. n. 54.
fol. m.*

*fol. m. 1172. Guilb. Bened. ad c. Raynucius. ad verb. & uxorem. decis.
5. n. 7. fol. m. 95*

IX. Idq; regulariter verum est, sine inferioris Domini consensu res immobiles amortizari non posse, ne in jure laudemiorum, releviorū, reversionis seu confiscationis sibi quaesito, præjudicium capiat, contra *l. id. quod nostrum. de R. J.* Attamen, si justissima causa Principem moveat, reluctantem inferiorem cogere potest, ut congruā sui interesse pensatione acceptā consentiat *arg. l. 37. §. 1. vers. quod si. ff. de lib. caus.* Ut si sive deat pietas, jubeat Ecclesiæ paupertas, aut alterius manus mortuæ urgeat summa extremitas. Exēplū refert. *Molin. n. 98.* Ut si princeps pro fundatione gymnasii trilinguis, Reip. Christianæ utilissimū, (quale aliquando non procul ab ejus domicilio inchoatum, sed temporis calamitate interimissimū idem testatur) amortizationem concederet prædiis vicinis, quod tamen hoc possit in præjudicium Dominorum inferiorum, à quibus non opus sit aliam impetrare amortizationem, sed solum illis præstandam rationabilem futurorum jurium indemnitate, quā vel invitū consentire teneantur, sicut proprietarius & dominus directus ex justa causa rem suam justo pretio vendere cogitur. *l. si quis. 12. ff. de relig. & sumpt. fun. §. 2. J. de his qui sunt sui vel alien. Jur. Peckius d. tr. cap. 24. n. 2.* Hac autem, vel simili necessitate cessante, inferioris domini, cujus interest, consensus omninò requiritur, nec bono Principi subditorum suorum bona vel jura, illis invitis, aut donare, aut vendere, pretiumque in fiscum convertere licet, sicut quandoque adulatores inventos constat, qui id principibus perſuadere ausi sunt. *Molin. d. l.* Omnia quidē subditorū bona Principis dici possūt, quā jurisdictionem, quā defensionem, quā pensionem annuam, quā successionem ultimam; minimè verò gentiū, quā diripiendi licentiam. Num autem princeps ad amortizandum cogi possit? controversitur. Et quod de giudice asserit. *Papinianus l. non quicquid. 40. ff. de Jud.* non omne, quicquid ejus potestati permittatur, id quoq; juris subijci necessitū; hoc ad Principem multo magis applicamus: Nō enim, quod

quod ex gratia uni concedit, ad alium per consequentiam trahi potest. *c. quod ob gratiam. de R. J. & consentire gratia est, ad quam faciendam nullus in jure adigitur. Dd. ad c. gratiam de Rescriptis.* Quanquam verò foro exteriori non compellitur, in conscientia tamen obligatur, peccatq; si pauperi Ecclesie & manui mortuæ amortizationem detrectaverit. *Petrus Beldug. d. tit. 14. §. restat. num. 3.* Et licet, inquit *Baldo. ad d. l. 2. C. de servis. & aqu.* in hoc mundo, nemo sit, qui supremo Principi dicat, cur ita facis? est tamen animal rationale Politicum & morale, minimè absolutum à dictamine dominæ, rectæq; rationis, & proinde debet esse veluti fons justitiæ in omnes circumstantias oculos flectens. *Peckius c. 24. n. 2.*

X. Sed quid, absente Principe, de Prorege, Vicario, seu locum tenente asserendum, annon ii jus habebunt amortizandi? Et quidem, si princeps Vicario det specialem amortizandi potestatem, non est dubiū, quin hoc possit facere, & similiter, si princeps faciat vicarium in certis casibus specialibus, nec det amortizandi facultatem, jus hoc ei non competit: Et sic dubium residet in eo, quando simpliciter & generaliter facit vicarium, & non sit aliqua reservatio in literis vicariatus de ipso assensu super amortizatione, an vicarius tunc possit amortizare? Pro *affirmativa* facit, quod, qui committit alicui vices suas, in totum eas commississe videatur, & quicquid facit tunc ipse vicem gerens, non respicit ipsum, sed attribuitur ei, cujus vices geruntur, tantumq; valet genus quoad omnia, quantum species, quoad specialia. *c. in generali. de R. J. in 610.* In *negativam* tamen sum proclivior, cum, quod principi, ut Amortizationis facultas, specialiter reservatum est, in generale mandatum, vicario datum, non venire præsumatur, nec per eum expediri possit. *c. quod translationem extra de officio legati* & quod princeps non solitus est, nec de facili facere consuevit, non censetur concessisse vicario. *arg. l. 44. pr. de usufructu.* Jā verò rarò & summā difficultate à Principe impetratur, ut res aliqua in manum mortuā transeat, ut testatur diplomata super ejusmodi consensu confecta, quæ facultatem relinquendi prædia manibus mortuis ceciderūt, adeoq; actus genera-

neralis non includit illa, quæ quis verisimiliter non concederet. *Matth. de Affict. super c. Imperialem. 55. feud. 2. quest 21. n. 9. fol. m. 682.* qui etiam refert exemplum de Comitis existentis extra Comitatum locumtenente, qui consensit in feudum legatum monasterio, concluditq; eam dispositionem nō valere: licet enim Locum tenens potuerit præstare assensum super alienationibus feudorum, quæ tenebantur à Comite, attramen non potuit assentiri in personis prohibitis, & ad accipiendum minùs idoneis. Non enim videtur data potestas assentiendi in personis inhabilibus, nisi hoc expressè dictum. *d. c. Imperialem.* Et id caput utilissimum esse, inquit *Matth. de Affict. pr. & dignum*, quod literis scribatur aureis, cum semper allegetur, ubi cadat sermo de feudis. Hic verò etiam consuetudinem in regno aut provincia observatam cum primis spectandam censeo; & ad cognoscendum, an Princeps verisimiliter & leviter, an difficulter morticinii jus sit cōcessurus, communem Cancellariæ stylum aut curiæ Principis considerandum esse, rectè hortatur *Felynus ad c. super literis. de Rescript.* Si itaq; amortizandi facultas ex generali mandato vicario seu Proregi non competit, multo magis ea deneganda absentis Principis procuratori, & rerum ejus administratori, qui vicario longè inferior. Cum enim in amortizando de perpetuo & irreparabili præjudicio agatur, videlicet de consentiendo, ut res penes manum mortuam semper maneat, & de irrevocabili exclusione à jure eandem manum mortuam expellendi, necessariò requiritur, ut tali procuratori ad amortizandum, seu investiendum manum mortuam speciale mandatum detur, non quidem in individuo, de acquisitione talis prædii, à tali Ecclesiâ; sed tale, in quo exprimitur potestas amortizandi, expresso *Amortizandi* verbo sive per effectū, sive necessariā consequentiam. *Peckius d. c. 23. n. 3. Carol. Molin. d. l. n. 75. & 76.* Sed quid de tutore sentiendum, annon illi hæc amortizandi facultas competet? Videtur id dicendum, quia amortizatio non propriè est alienatio, dum per eam dominus nullum amittit dominium, juxta. *l. 1. C. de fund. dot.* nec qualitas rei amortizatz mutatur, sed semper remanet feudalis, vel censiva-

his. Verùm rectius tutori hoc Amortissamenti jus detrectamus, quamvis plenam & condignam remunerationem pecuniariam à manu mortua recipiat, quia, licet amortizatio non sit vera alienatio domini rei, est tamē omnino alienatio certi juris, perpetui, dudum acquisiti & cōpetentis. Accedit, quod pecunia, quæ in compensationem datur, est res fragilis, quæ citò consumitur; jus verò dominicale, quod Amortizatione expirat, est durans & perpetuum. *Carol. Molin. d. l. n. 78. & 79. Peckius d. c. n. 4.*

*Subiectū
Passivum.*

XI. Subiectum Amortizationis passivum, quod supra posui. 2. explicatum, est Manus Mortua. Cū enim ea nunquam mutetur, sed per subrogationem personarum, sicut sedes judicialis. *l. 76. de Jud.* eundem semper statum, expers omnis vicissitudinis, obtineat, adeoq; dominos juribus suis, ut quintis, subquintis, redemptionibus, releviis, laudemiiis, semilaudemiis, recognitionibus, confiscationibus, commissis, & id genus obventionibus privet; meritò licentiam impetrare à Principe debet, quod in singularibus possessoribus, qui certa vitæ spacia habent, non requiritur: hi enim bona temporalia jure communi possident, distrahunt, vendunt, donāt, legant, certis casibus bona fisco committere, & dominis jus, & occasionem percipiendorum dictorum jurium dominicorū præbere possunt, & proinde sæpè & variis mutantur modis, ut apud *Horatium ad Julium. Flor. Vel pūcto nobilis hora.*

Nunc prece, nunc pretio, nunc vi, nunc sorte suprema

Permutat Dominos, & cedit in altera jura.

Sic & hæres

Hæredem alterius, velut unda supervenit undam.

*Materia
circa quā
seu obje-
ctum.*

XII. Sequitur hujus juris materia circa quam, seu objectum. Istud verò sunt omnia bona immobilia, nō duntaxat feudalia, censuaria, vel Emphyteutica & similia, verum etiam allodialia, franca, & libera ab omni onere reali, & dominicali, in quibus possessor plenam habet proprietatem, & plenum dominium: cū enim & ea publicum & commune Reip. interesse respiciant, non possunt citra consensum Principis à manu mortuā acquiri, & possideri, & maxime propter jus confiscationis, quod Princeps perderet, si in manum mortuam trans-

traherent; retineret verò, si penes possessorem singularem bona manerent, & ille delinqueret. *Guilhelm. Bened. ad c. Raynuius. decif. 5. Verb. & uxorem, nomine Adelf. n. 3. p. 94.* Quod feudalia spectat, de iis, quòd in Ecclesiam, vel simile corpus non possint transferri, textus est elegans *1. feud. 13.* cuius ratio non est, quam assignat *Jacob. de Belviso*, quia Ecclesia sit potentior, & privilegiata, nec ad còveniendum facilis, in potentior verò fieri donatio non possit. *Id. ad l. 135. §. 3. ff. de V. O. l. 2. Qui satis cog.* sed vera ratio, cur feudum Ecclesiæ non datur, in textu additur; *Quia feudum nunquam est reversurum ad Dominum, cum Ecclesia non desinat esse heres.* adde *c. 12. q. 1. c. signat. de Rescript. in 6.* Idq; obtinet, etiam si Vassallus expressim, & in causam piam donaret pro anima. *S. donare. 2. feud. 9.* Idem dicendum de bonis Emphyteuticis, quæ non possunt in manum mortuam transferri, ut decidit *Specul. in tit. de locat. §. nunc aliqua. vers. nò.* quem sequitur *Johan. Andr. in addit. vers. 120.* qui non duntaxat dicit, hoc esse summè æquum, sed & addit rationem, quia dominorum directorum intersit, nec debeat eorum iuribus, puta laudemiorum, vel releviorum, & reversionis, seu commissi in feudatione, vel concessione retentis præjudicari; pro ut fieret, si res transirent ad Ecclesiam, vel aliud corpus, quod non mutatur, nò moritur, sed à successoribus semper repræsentatur. Excipiuntur tamen nonnulla bona, quæ amortizationem non desiderant; Vt. (1.) quæ solius Principis & ejus verè, ac propriè sunt allodialia: ea enim, cù nullius alterius superioris intersit, indubitanter in Ecclesiam, vel simile corpus transire & transferri possunt, ita, ut illa de iis manus suas evacuare non teneatur. (2.) Ea, quæ una manus mortua alteri manui mortuæ vendit, tradit, aut donat; tunc etiam nulla amortizatione, nullo consensu est opus, quoniam cessante causa legis & Constitutionis, cessat lex & Constitutio ipsa. *c. cum cessante. de Appellat. l. fin. C. de long. temp. præscripti.* Et hic etiam semel præcessit amortizatio, atq; ex ejusmodi venditione, traditione, donatione, neq; natura, neq; qualitas rei alienatæ, aut personæ acquirentis demutatur, Reip. autem & Principi præjudicium nullum fit, quantumq; huic

manui mortuæ accedit, tantundem & alteri decedit. *Molin. d.l. n. 96. in fin. (3.)* Ista quoq; quæ pro fundâdis, dotandis, repârâdis & amplificâdis Ecclesiis, nō quidē ad superfluitatē, sed ad convenientē necessitatē, fuere acquisita, amortissamentū non postulant. *arg. l. placet. C. de S. S. Eccl. Peckius c. 35. n. 2.* Ubi mirificē laudat *Carolus V.* eo nomine, quod ipse in concedenda rerum hujusmodi piarum, & ad divinum cultū pertinentium amortizatione, pro sua clementia se nullo modo præbuerit difficilem. Add. *Guilhelm. Bened. d.l. n. 33.* qui hanc in rem varias Francorum Regum constitutiones extare, asserit.

Forma.

XIII. Materiam subsequitur forma, quæ à nobis, ut præcipua cujusq; rei pars, & quā sine res ne quidem esse incipit, omninō venit inspicienda: Quoties igitur manus mortua bona cupit amortizari, Principē adire, & literas ab eo impetrare debet Amortizationis, sigillatas in formā instrumenti, cum sibus sericis & cerā viridi, quæ nominatim & expressē ejusmodi prædia & possessiones contineant. Has literas instrumentales in Gallia necesse est, expeditas esse, & verificatas in Camera Thesauri Regii, sive Curia rationum, redigiq; in volumen instrumētorum Curia, ex Regis decreto, addito pretio dictæ partis, ut consulatur indemnitari regis, & successorum, cum Curia censeatur tutrix & conservatrix patrimonii regii. Et hūc respicit *Carol. Molin.* quando *d.l. in fin.* inquit, Amortizationē debere verificari, & homologari in supremo Senatu. Ad essentiam tamen & effectum gratiæ Principis scriptura non requiritur, sed solo illius verbo perficitur, & si clausulam (*stat ut petitur*) addat, omnibus modis stabilitur: Expeditio enim literarum solemnitas est extrinseca, nec ad substantiam rei quicquam facit. Eleganter *Baldus*: *In lingua Principis stat gratia, in Scriptura testimonium, in Executione Commoditas.* Hinc, an per testes consensus Principis probari possit, inter se discordant *Dd?* *Andr. de Isern.* videtur tenere quod possit. Atq; ita judicatum in sacro Consilio se vidisse, testatur *Matth. de Afflic. ad 2. feud. c. De prohibe feud. alien per Lothar. n. 14.* A quo tamen ipse recedit, & assensum istum per-

lite-

literis, non per testes probandum, adstruit; nisi eo casu, quo
proberetur, assensum & confirmationem Regiam in scriptis
aliis præstitam, fuisse perditam. Cum igitur consensus iste
omnino impetrari & adesse debeat, dubium movetur, num.
ille præcile præcedere, an verò acquisitionem rei immobilis, à
manu mortua factam, sequi possit? Rem hanc temperamen-
to expedit *Peckius d. tr. c. 27.* & subsequentē Principis consen-
sum admittit, si titulo contractus legitimi res in manum
transferatur mortuam; cum hic, vel ab initio consentire, vel
postea confirmare, perinde sit. *l. Tribung. de test. milit. l. in conce-
dendo. in fin. de Aqu. & ag. plur. arcend.* Si verò ex titulo legati eā
petat, alio jure utendum censet; cum enim res in potestatem
heredis perveniat, legati titulo ex constitutione Principis ex-
istente nullo, utiq; non videri Principem citra heredis injuri-
am, consensum in eo rerum statu interponere, & nova amor-
tizatione jus, quod ei quæsitum fuit, tollere posse. *l. nec avus.
C. d. Emancip. l. 2. §. 10. & 16. ff. Ne quid in loc pub.*

XIV. Huic difficultati connexum est illud, Num A-
mortizatio expressis verbis concedenda, an verò tacitus Prin-
cipis consensus sufficiat? Posterius videbatur dicendum,
cum patientia domini, & taciturnitas sine contradictione ha-
beat pro licentia. *l. 18. ff. mand. l. 2. C. de remiss. pign.* pariaq;
sunt, vel expressè, vel tacitè, consentire. *l. cum quid. 3. si cert. pec.*
Et ubi in alicuj præsentia aliquid tractatur, ex quo alteri, aut
exceptio, aut actio quæritur, aut præjudicium nascitur, quod
ille præsens dissensu suo impedire potest, nec tamen impe-
dit, præsumitur utiq; negotii approbatio; ex quo est, quòd,
qui pro se præsentem aliquem, patitur, sive jubere, præsumitur
mandare. *l. semper. 60. de R. J.* Ita hic, si præsens est Princeps, scit,
videtq; rem immobilem in manum transferri mortuam, nec
contradicere, utiq; id factæ amortizationis loco esse, videbi-
tur. Verum rectius prius asserendum, existimamus, cum lon-
gè aliud sit, scire; videre, nec contradicere, aliud licentiam
concedere: ubi sufficit, nuda scientia, ibi taciturnitas; n. so-
lam sufficere, largimur, juxta *l. n. §. scientiam ff. de tribut. act.* aut
ubi requiritur licentia, & expressus consensus, non sufficit ta-

citus, sed oportet, licentia detur per verba. *Peckius c. 28. Matth. de Afflict. ad d. c. de prohib. feud. alien per Lothar. n. 13. p. m. 620. & ibid. Andr. de Ifern. p. 593. adde Fab. & Mynsing. ad §. 8. J. quibus modi jus. patr. potest.* qui plura referunt exempla, quibus præjudiciū fiat tacenti. Difficultatis plus habet, si Princeps tale quid faciat, quod amortizationem inducere possit, ut si gabellæ, laudemia, & alia jura trāslatæ possessionis à manu mortua scienter recipiat, eamque in bonis immobilibus investiat, an tūc amortizationem concessisse, & sibi in jure expellendi præjudicasse videatur? Et quidem, quia hæc non debentur in casum, quo velit mortuam expellere, sibi omnino præjudicat hoc jure, tanquam cōtrario & opposito. *l. 4. §. 2. & ibid. Barr. ff. de leg. Commis. seq;* excludit à jure cogendi vacuare manus, non verò à jure petendi indemnitate. Et ita generaliter statuendum, nisi, ubi & quatenus specialis consuetudo loci contrarium, quæ servanda; disponat; ut consuetudo in Gallia Turonensis, quæ vult dominum per receptionem jurium sibi non præjudicare, etiam in jure expellendi. *Carol. Molin. d. l. n. 62. & 29. fol. 653.* Ita nec sibi præjudicat in jure expellendi, vel cogendi vacuare manum suam, si propter prædium censuale, de novo ab Ecclesia acquisitum, receperit censum annuum præstari solitum: quoniam census est onus ordinarium debitum, & omnino solvendum. *l. cum possessor. ff. de Censibus.* Quod ampliat *Molin. n. 72.* censum nihilominus posse exigi pro anno & tempore currenti i. e. pendente lite, licet dominus instaret contra Ecclesiam, ut cogeretur, ponere extra manum suam.

XV. Ad jus morticini impetrandum, Sumptibus quoque opus esse, nemo nō videt, sed à quo illi exigendi, id nō adeo obviū est. Spectandū hīc existimo, an manū mortua ipsa velit prædia acquirere, & tūc ad sumptuum solutionē omnino obstringitur; an verò eidem donatione mortis causā, vel inter vivos, vel legato testamēto facto, res deferantur, & tūc donans, aut testator amortizationem ipse persequi, & suis expensis obtinere adiget. Etenim qui legat, aut donat, non tantum scire debet statum & conditionem donatarii vel legatarii,

gatarum, an habilis sit, & capax bonorum possidendorum citra
gratiam & dispensationem Principis, sed etiam ipsius rei qua-
litatem, quā donat, & legat, puta, quod obnoxia sit fidelitati,
homino, banno, subbanno, quintis, subquintis, redēptionib9
relevis, laudemis, venditionibus, aliisq; juribus Domini-
calib9, quæ de necessitate præstanda sunt. Cū igitur donat, aut
legat rem ita obnoxiam, vel ipse, vel heres ejus eam liberare,
immunitatemq; suis expensis impetrare tenetur. *l. si tibi homo.*
§6. pr. de legat. 1. & expressius adhuc *Scavola in l. penult. §. ult.*
ff. de legat. 3. Et ita pro administratoribus *Xenodochii Trinita-*
ti Lutetie adversus Mariam Briconettam pro feudo de l' Hicmil-
le arresto Parisiensi, quod datum in curia consilii Anno 1558.
d. 27. Martii, pronunciatum fuisse, testes sunt *Johan. Papon. d.*
tit. Arr. §. Regid. Magistr. d. tr. cap. 7. in pr.

XVI. Propter factam autem indulgentiam Princeps
à manu mortuā jus habet exigendæ pecuniæ; quantum ve-
ro persolvendum, non constat, cum non uno, eodemq; modo
id præstetur: Communiter est tertia pars valoris & æstimati-
onis possessionum amortizatarum, eaq; nominatim Principis
domanio destinata est, prout taxa huj9 pecuniæ non alibi ex-
pressa reperitur, quàm in unica Constitutione Regis Franciæ
Caroli VI. his verbis: *Carolus Dei Gratia Rex Francia omnibus*
presentibus, & futuris notum facimus &c. Nos iis consideratis,
cupientes omnes difficultates tollere, supradictisq; incom-
modis & obstaculis obviam ire, harum tenore constituimus, o-
mnnes cujuscuq; ordinis aut qualitatis, qui à nobis literas amor-
tizationis alicujus redditus, predii, aut possessionis impetrabunt,
aut obtinebunt, soluturos realiter, & de facto ante verificationem
& comprobationem litenturum, in commodum & augmentum
nostri patrimonii, tertiam partem estimationis prediorum
à nobis amortizatorum: Quæ tertia pars in prediis posses-
sionibus, aut redditibus consistens, sita in nostra ditione ac juris-
ditione directè nostro patrimonio adjungentur. Datum *Lutetiæ*
Anno Domini 1402. 23. anno nostri regni, Mense Octobri.
Hæc constitutio diligenter observata, magnam patrimonio
Regis accessionem faceret; sed paulatim actitatum est, ut vel

Quid Prin-

cipi pro a-
mortizati-
one debe-
atur.

tertia:

tertia pars in alios usus converteretur, atq; in privatas personas donationibus transferretur, vel, ut loco tertiæ partis rei amortizatz præstaretur aliqua summa pecuniaria, quæ ut plurimum Regis æratio non illata. *Egid. Magist. d. tr. c. 3. Papon. Arr. 6.* Aliquando pro hac tertia parte fructus triennales pendentur, aliquando plus vel minus, vel pro ratione & magnitudine rerum amortizatarum, vel pro voluntate, & liberalitate amortizantis. Si verò feudum ab alio inferiore, quàm à Rege emanaverit, & moveatur, Domino tenentur vel exhibere vicarium hominem viventem, morientem, & committentem h. e. quo vivente nullum novum jus acquiratur Domino, sed à moriente feudum aperiatur; vel indemnitate persolvere i. e. illam pensionem, quæ fit, & præstatur Domino pro interesse suo, loco jurium utilium, quæ verisimiliter percepturus erat, remanente re, in privatorum manu, quæ sæpe & variis mutatur modis: alterius autem præstatione liberantur. Unde videbatur dicendum, eos ad præstationem hominii insuper non teneri, præsertim, cum Ecclesiastici ad præstandum hominum idonei non sint, utpote, in quo est promissio obsequii & servitii in temporalibus; attamen arresto aliquo in Gallia d. 13. Martii Anno 1536. inter Johannem de Valenciennes Dominum d'ormoy, & Abbatem atq; Conventum S. Victorii ad Lutetiam contra judicatum est, quemadmodum id notat, hominiiq; utilitatem annectit. *Egid. Mag. d. tr. c. 8. n. 2.*

XVII. Si itaq; manus mortua jus hoc morticinii præscripto modo non impetraverit, à Principe præcisè cogi potest, ut de possessione bonorum quæsitorum decedat, i. e. talia bona extra manum suam ponat intra annum & diem, & in manum seu personam capacem transferat, per quam nec durior fiat conditio domini directi, nec Principis. Et expressè testatur *Franciscus Mignon, non obscurus Gallie Pragmaticus ad Consuet. Ardegar. tit. des seigners temporels. arr. 37.* manum mortuam per Regem, Regisq; ministros, ac præfectos coram senatu regio in 39 vocari, cogiq; posse, ut intra annum & alia præfinita tempora, pro cujusq; regionis more ac lege, bona immobilia, non amortizata, à se abdicet, atq; in manum laicam transferat,

manu erat, & eo modo consulitur Ecclesiæ, seu manui mortuæ, ne lucro privetur, ei delato ex testamento, donatione, vel alio titulo, & pariter succurritur Domino feudi, vel emphyteusæ, ne propter privilegium Ecclesiæ detrimentum patiatur in iure suo ordinario. *Guilhelm. Bened. ad d. c. n. 3. in fin. Pec. l. d. tr. c. 34.* Hinc publico etiam edicto, scribit *Petrus Bellus in Decal. pr. c. ult. n. 16.* quandoq; Regem jubere, ut Ecclesiæ dicti omnium bonorum, à multo tempore possessorum, catalogum exhibeant, quò inspectione illig, quæ amortizata sint, cognoscat, pro non amortizatis jus suum exigit, adeoq; hic valzata juris decisio officium suum perdit; Neminem ad professionem tituli sui compelli posse, nullamq; in causis civilibus inquisitionem admitti. *l. cogi. ii. C. de petit. hered. l. ult. C. de bon. vacant.* Ex quo factum, tradente *Mignone*, ut *Franciscus Primus* Rex Galliæ ingentem thesaurum ab Ecclesiis, in regno suo sitis, anno 1522. congesserit. Et licet aliqui hic existiment, nullam in hac re procrastinationem manui mortuæ concedendam, attamen ex variis circumstantiis, quæ subinde concurrere possunt, id temperandum est, nulla enim Constitutio tam præcisa, quæ non honestam patiatur dilationem. *l. si debitor ff. de jud. l. Continuu ff. d. V. O.* quò pertinet sententia *Theodoret*, cum ait; Legibus lege opus esse, quoniam & *marini pises*, qui in multa salsedine enutriti sunt, sale adhibito, ad condendum indigeant. *Peckius. d. c. 34.* Si verò Princeps possessiones, citra amortizationem quæsitas, abdicare jusserit, & lapso anno non fuerit paritum, videndum, an manus mortua prædiorum non amortizatorum fructus lucrari possit? Pro affirmativa equidem militat. *l. 25. ff. de petit. hered.* Ubi, cum agitur de acquisitione fructuū, nullitas, seu tituli invaliditas non attenditur, & *l. 17 ff. de donat. inter vir. & uxor.* Ubi fructus percipiendo uxor, vel vir facit suos, licet donatio nulla sit: Pro negativa facit, quòd naturalis possessio, qualis est apud manum mortuam, nõ sufficiat, ad lucrandos fructus, & malæ fidei possessor, ut est manus mortua, rem unà cum fructibus restituere tenetur. *l. 22. C. de R. V.* Res temperamento indiget, & prospiciendum, an Constitutio Principis, qualis est *Caroli V.* & statu-

tum civitatis , venditionem , donationem , legatum , seu traditionem in manum mortuam factam, annuller, atq; inficiat, & tunc fructus manus mortua non lucratur, si verò ejusmodi clausula & Constitutio annullativa non obstat, sed duraxat apud eam manere, veter, secus esse, & fructus eam omnino lucrari, existimamus.

XVIII. Solus verò Princeps hoc jure utitur, ut possit cogere homines manū mortuæ, possessiones à se emancipare, & in manum vivam, capacemq; transferre, non verò eo gaudent inferiores domini, quamvis prædia ab iis moveantur, si enim Ecclesiastici, & manus mortuæ parati sint, aut vice sua hominem præbere viventem, morientem, confiscantem, aut indemnitate præstare, alterutro liberantur, nec à dominis inferioribus in possessione turbari debent; Dici quidem posset, indemnitate non comprehendi alienationis & cōmissionis casum, nec in Ecclesia locum habere, proindeq; Dominū quintis, subquintis, relevis, & aliis lucris privari, re tamen bene inspectā, tantū abest, ut inferior Dominus indemnitas præsteretur, ut ejus conditio melioretur, si quidem non rarò contingit, ut res feudales, vel aliæ, 300. vel 400. annis, ab una & eadem familia derivatæ à patre in filios successionē, possideantur citra ullam alienationem, pro quibus sanè directis ita immutationib9, atq; adeò pro tanto hoc tempore Dominus nihil consequitur. Atquin eo casu, quotiescunq; Abbas, seu Prælatatus mutatur, q̃ sæpius evenire potest, lucrum percipit. Ut ita maneat, dominos inferiores homines manū mortuæ cogere nō posse, ut possessionibus quæsitis cedant, modò eis, aut offeratur homo vivēs, moriens, & confiscans, aut eorū indemnitati prospiciatur, cum hâc ratione extra omnem jacturam, sint positi. Atq; ita inter *Georgium du Chenay* scutiferum petitorē ab unâ, & *capitulum du vivier* ab alterâ parte, in *Arresto Pariensi Anno 1539. d. 23. Maji* pronunciatum esse, testantur, & *Egid. Magistr. d. l. c. 6. in pr. & Johan. Papon. d. l. arrest. 4.*

XIX. Sin autem Princeps possessiones, non amortizatas, extra manum ponere non jubeat, sed manus mortua prædium triginta annos pacificè possideat, ejus nomine nunquam

quam inquietare, nunquam interpellata, videndum est, an
 præscriptione se tueri possit, ita, ut de talibus se disvestire, non
 cogatur. Et prima frõte, cū homines manū mortuæ ad impe-
 trationem amortizamenti non teneantur, nisi ratione supe-
 rioritatis, quam Princeps in omnia temporalia sibi vindicat,
 & ratione servitii feudalis, & dominici, q. Principi exhiberi
 debet, videbatur, dicendum, jus hoc præscribi nō posse, adeo,
 ut adversus illud vassallus ne longissimi quidē temporis præ-
 scriptionem ullo modo possit opponere; Nihilominus tamē
 judicatum, si manus mortua possederit donationis, legati,
 aut alio titulo sine amortizatione, non posse Principem post tempus 30. annorum ad aliud eam cogere, quā-
 m, ut præstet hominem morientem, & committentem, vel sanē
 cautionem indemnitate, *Egid. Mag. c. 5. n. 3. & 4. Papon. Arrest. 6. p. 53*; Hic verò varii regionum mores, & leges observandæ,
 pro quibus res non amortizata, vel longiore, vel breviorē
 tempore, adversus Principem præscribuntur; In plerisq; locis
 40; *Grithel. Bened. d. l. n. 5*; In aliis 30; In aliis 6. annis *Molin. n. 60. Peck. c. 35. n. 3.*

XX. Formam excipit Amortizationis effectus, qui *Effectus.*
 est, quod, his omnib. observatis, ex jure illo morticipti manū
 mortuæ, videl. Collegia, Ecclesiæ, Cōfraternitates, Xenodo-
 chia, Capitula, Civitates &c. habeant jus bona immobilia ac-
 quiriti, & acquisita in perpetuū possidēdi, nec teneantur ea
 ē suo mancipio ablegare, possessionibus decedere, aut in per-
 sonam, seu manum laicam capacem transferre *Tholosan. l. 15. c. 38. n. 6.*

XXI. Adversantur huic juri leges, & Constitutiones, *Contraria.*
 quæ hominibus manus mortuæ bona immobilia retinendi,
 & possidendi facultatem adimunt, easq; non tantum in Hi-
 spania, & Italia, verum etiam in Gallia & Anglia floruisse, i-
 mō per Burgundos Principes, & aliqua *Caroli V. Imperatoris*
 Constitutione anno. 1520. d. 29. Octobris amplificatas & confir-
 matas esse, supra §. 3. abundē ostensum fuit, & testatur alicubi
Besoldus, nonnullarum Civitatum Imperialium statuta exta-
 re, insigne concordantia *Dass die weltliche Erbe in die geist-
 liche*

sthe Hand nicht kommen/noch verbleiben sollen/ sondern int
Jahr vnd Tag zuverlauffen sein. Ne Ecclesiastici, opibus
corrupti, minus pui essent, exemplo Æsopice gallinæ, quæ strigosa,
& male habita, singulis diebus ova peperit, saginata verò
parere desit; Facit l. 20. & 27. C. Theod. de Episcop. & Cler. Et
tantum de hac intricata Amortizationis materia retulisse,
sufficiat, plura qui velit, adeat Dd. cum primis Dnn. Magistros
Dn. Renatum Choppinum, de Domanio Francia lib. 2. cap. 13. &
Johannem Pacquet. in traët. de Domanio part. 4. nec non Dn. Zypaum
in suo Jure Pontificio lib. 2. de for. compet. n. 19. Quos tam
men videre non licuit.

Sola Soli Solisq; Deo sit Gloria Soli.

SUPERPONDIA.

I.

Eorum, qui statis olim temporibus tributa non
penderent, & in bonis quid haberent, bona
proscripta esse, & publicè venundata; Jacob.
seribit Rævard. 5. varior. 6. num. 6. Si verò nihil
haberent in bonis, affectos eos esse suppliciiis. Cui Go-
deschalc. Stewech. fidem habet ad lib. 3. c. 3. Ve-
get. f. 218. Verum haut scio, an adducti à Rævardo
in eam rem Salviani ac Ambrosii loci, faciendæ fi-
dei sufficiant. Quin nec carceribus aut plumbatis ex-
igi tributa potuerunt, ut est in l. 2. C. de exactorib.
tributor. Sed quis verò in contumaces processus ob-
servabatur? Idem, quem nunc quoq; etiam in collectis,
quandoq; injustissimis, exigendis, adhiberi cernimus.
Scilicet manu urgebantur militari; Nam legte jhnen
Tribulle

Tribulliteri oder Soldaten ein. Quod si adhuc sa-
iuscere distulerint, ad distractionem tandem bono-
rum febat descensio. Confer. l. i. C. de capiend. &
distrahend. pignorib. tribut. caus.

II.

Archiatros in defunctorum locum substituen-
dos, ante omnia rigidè esse probandos; optimâ jam
dudum ratione sanxerunt Valentinian. Valens &
Gratian. A A A. in l. 10. C. de Profess. & Medic.
Ita tamen, ut quicumq; fuerit admissus, non in prio-
rem numerum statim veniret, sed eum ordinem con-
sequeretur, qui ceteris ad priora subvectis, ultimus
peterat inveniri. De juris divini pariter atq; huma-
ni, nec non sapientiæ Professoribus idem dixeris rectis-
simè: Cur verò non ita pleriq; hodie censeant, haut in-
meritò intreris. Ceterùm de hac ipsa lege lib. 10. Ep.
40. Symmachus: Inter alia, (inquit) quæ in bo-
num publicum contulit, etiam medendi professoribus
dedit ordinem successionis, si locum quempiam dece-
dentis fortuna nudasset. Quâ lege cautum est, ut
primi artis ejusdem, de novorum scientia judicarent.
Hanc formam, quantum asserunt, ætas secuta ser-
vavit.


III.

Iniquè hodie faciunt novelli quidam præfetti,

feu questores (quos vulgò Umbt Schöffer dicimus,) si prædecessorum suorum reliqua, vel ipsarum potius præfecturarum: Die Umbts Reste: suscipere decreverent, atq; exigere: Quibus vel idèd hoc indulgendum non est, quòd & apud Romanos olim, novis incuberit susceptoribus, (qui fuerint, docet l. 5. in fin. ff. de censib.) etiam reliqua anni præteriti, sive suorum antecessorum suscipere; rescribentib. Impp. in l. 3. C. de susceptorib. præposit. & arcar.

IV.

Illud profectò non sine magna prudentia Diocletian. & Maximian. A. A. constituerunt; Ne quis agricolis vim faceret ad præbendos mulos, boves, equos, servos, operasq; suas, posteaquam capitationem suam & quod debebant, præstitissent; in l. 1. C. Ne rustican. ad ull. obsequium devocent. Duae enim artes maximè utiles ad constitutionem & conservationem Reip. Agricultura, quæ colat & nutriat milites: Militia, quæ defendat & tueatur agricolas, notante Stewech. ad d. c. 3. lib. 3. Vegetii f. 214. Sed quantum & hac in parte hodiè peccatur, excors fuerit, qui non intelligat.



CLARISSIMO DOCTORANDO, Amico

suu percharo. S.P.

TErranare diam, non marcescente corona
Cinctus, quâ victor doctâ per ora voles.
Dum Themis alma videt veluti latatur honore,
Quod ferat illa tuis debita dona comis.
Sic mihi, spes Diva, pertentant gaudia pectus,
Ut video fructus spem tibi ferre suos.
Involviq; tuâ temet virtute, vehebat
Qua te Iustitia per jugacelsa sacra.
Ante vel elapsum lustrum dum, me Duce, forti,
Illius in castris pectore, miles erat.
Iscipe mercedem! te frugum semper acervo
Jus bees, & reliquis Dis sociata Venus.

Bona scævæ ergo deproperat

Godfrid Fiebig D.

&P, P.

Dum Te sudantem vigili in certamine cernit
Alma Themis, virtutem, infucatumq; virorem
In Juvene eximio miratur, sacraq; Clëio
Audenti nova ferta parat, condigna laborum
Præmia. Maeste novis ausis, sic itur ad astra.

RANDORIO,

Jurium peritissimum quem communis fama, veri
nuncia, depradicat, fortunam respicientem ex ani-
mo apprecatur. Sit tibi, quem petis, summus honor
ad majores dignitates gradus, auspicaq; omnia
sint tua consilia, decoraq; strenore fructus emolu-
menti longè lateq; spargant.

Guernerus Rolfinck, Hamburg. Phil.
Med. Doct. Prof. Practicæ, & Chimiæ Pub-
licus.

U*t magis atq; magis se palma extendit in aur
Nec patitur longa tristia damna mora.
Ingenium, Vir clare, tuum sic alta capeffens
Omne supra lato vertice scandit opus.
Tàm bona cùm prestes Vernos, ô Maeste! per ann
Qua tibi maturâ fruge senectâ dabit?*

Clarissimo ac Præximo
Dn. Doctorando
amico non è
multis uni

*CHRISTIANUS Dettle
Plaviâ-Variscus.*

F I N I S.

